



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1714

Speciale Privilegium Cæsarum.

urn:nbn:de:hbz:466:1-42682

SPECIALI
PRIVILEGIUM CÆSARUM.

JOSEPHUS Divinâ favente Clementiâ Electus Romanorum Imperator semper Augustus, ac Germaniæ, Hungariæ, Bohemiæ, Dalmatiæ, Croatia, Slavonia &c. Rex, Archidux Austriæ, Dux Burgundiæ, Styriæ, Carinthiæ, Carniolæ, & Wirtembergæ, Comes Tyrolis. Agnoscimus & notum facimus, tenore præsentium, universis; quòd cum nobis noster & sacri Imperii fidelis dilectus **SERVATIUS NOETHEN** Bibliopola Colonienfis humillimè exposuerit à P.P. Societatis **JESU**, Provinciæ Rhenanæ inferioris sibi factam esse potestatem typis excudendi librum in omni forma, cui titulus est, Theologia moralis antehac ex probatis auctoribus breviter concinnata à P. **HERMANNO BUSENBAUM** Societatis **JESU**, SStæ Theologiæ Licentiato, nunc pluribus partibus aucta à R. **P. CLAUDIO LA CROIX** ejudem Societatis in universitate Colonienfi SS. Theologiæ Doctore & professore publico vereri autem, ne, quod sæpius contingit, emulorum fraude, qui editionem istam imitentur, impendii sui fructu destituatur, ac propterea supplicaverit, ut sibi contra ejusmodi fraudes privilegio nostro Cæsareo, ad decem annos prospicere dignaremur: Nos submissè huic petitioni benignè annuerimus, ac proinde omnibus & singulis Typographis, Bibliopolis & Bibliopogis aliisque quibuscumque librariam negotiationem exercentibus firmiter, serioque inhibuerimus & vetamus, ne quis dictum librum per decennium, ab hodierno die computandum, in Sacro Romano Imperio, Regnorumque & Provinciarum Nostrarum hereditariarum finibus; sub quocumque prætextu, sive in toto sive in parte, mutatisve titulis recudere, vel aliò recudendum dare, alibi impressum apportare, vendere, vel distrahere clam vel palàm absque ipsius **SERVATIUS NOETHEN** expresso & in inscriptis obtento consensu

❁ ○ ❁

presumat : si quis verò secus faciendo , privilegium & interdictionem hoc Nostrum Cesareum violare aut transgredi ausus fuerit , eum non modò ejusmodi libris , perperam quippe recusis & addictis (quos quidem Præfatus supplicans ubicumque deprehensos sive propriâ authoritate , sive Magistratûs auxilio sibi vindicare poterit) de facto privandum , sed & pœnâ insuper sex marcarum auri puri Fisco Nostrò & fraudis vindicæ & prædicto supplicanti ex æquo pendendarum , omni spe veniæ sublata decernimus multandum , dummodo tamen hujus privilegii Nostrî Cesarei tenorem pro publica notitia , atque cautela infron- te expressum adhibeat , & ejusmodi quinque exemplaria ad Cancellariam Nostram Imperialem Aulicam sumptibus impetrantis transmittantur. Mandamus proinde universis & singulis Nostris & Sacri Imperii , Regnorumque & Provinciarum Nostrarum hereditariarum Subditis , cu- juscunque status , gradûs , ordinis , dignitatis , conditionis , aut præeminentia existant , tam Ecclesiasticis quàm Sa- cularibus , præsertim iis , qui in Magistratu constituti , vel proprio vel Superiorum suorum Nomine vel loco , Juris & Justitiæ Administrationem exercent , ne quenquam privi- legium hoc Nostrum Cesareum temerè & impunè trans- gredi aut violare patiantur , quin potius contumaces , si quos compererint , præscriptâ pœna plecti , aliisque modis idoneis coerceri curent , quatenus & ipsi eandem multam evitare voluerint. Harum testimonio literarum manu Nostrâ subscriptarum , & sigilli nostri Cesarei appensione munitarum , quæ dabantur in Civitate Nostra Viennæ de- cima quartâ die Martii , Anno Millesimo septingentesi- mo octavo , Regnorum Nostrorum , Romani decimo nono , Hungarici vigesimo primo , Bohemici verò tertio.

(L. S.)

JOSEPHUS m. p.

Ut. Fredlar. Com. de Schonborn m. p.

Ad mandatum Sacræ Cesareæ Majestatis proprium.

Lutzo Dolberg m. p.

AD